

Lvij

(...)

grossoye

Testament de pierre vignelongue  
fils de feu arnauld

Ce( )jourd( )huy **huictiesme** du moys de **febvrier**  
l( )an **mil vc lxxxiiij** en ]villemur[ / [par]oisse de **varenes**/ apres midy etc  
dans la **meterie** des her(itier)s de feu arnauld

.....

**vignelongue a( )lopiac** en la [par]oisse de **varenes**  
en presances de moy not(aire) royal soubz(sig)ne et( )des  
tesmoins bas nommes estably en( ) [per]sonne  
**pierre vignelongue fils dud(it) feu arnauld**  
**vignelongue** lab(oureur) de( )lad(ite) parroisse de varenes  
lequel estant gisant a( )la salle basse de( )lad(ite)  
maison en ung lict detenu d( )aulcune maladie  
corporelle toutesfoys par la( )gra(ce) de dieu bien  
voyant oyssant parlant cognoissant et( )estant  
en ses bons scens et parfaicte memoyre  
[con]siderant etc a ceste cause de son bon gre  
et( )bonne volonte a( )faict et( )ordonne son testam(en)t  
nuncupatif et( )derniere volonte en la forme et  
maniere suyvens en( )premier lieu led(it) vignelongue  
testate(ur) a( )faict le( )signe de( )la croix sur soy  
disant in nomine patris et filly spiritus( )s(anc)ty  
amen a recomande son ame a dieu( )le  
ceat(eur) a( )la benoise vierge marie mere  
de jh(esu)s c(h)rist et( )tous les benoistz saintz et  
saintes de paradis ]x[ a( )voulu que quant  
son ame sera separee de son corps sond(it)  
corps soyt ensepvely au( )cimitiere de( )lad(ite)  
esgl(is)e [par]ochielle de varenes aux tumbes  
de ses parens predecess(eu)rs et( )que ses  
honneurs de sepulture novene et( )cap( )d( )an  
luy( )soyent faictz aus despens de son bien en  
ensuyvant la coustume observee en n(ot)re  
mere sainte esgl(is)e catholicque appostolicque  
romaine item a donne et( )legue donne  
et legue led(it) testate(ur) a **jehan vignelongue**  
**son( )frere germain** / troys razades d(e) terre

.....

de( )la piece qu( )ilz ont scituee au( )lieu dict a *negremorie*  
pour [par] led(it) vignelongue son frere en f(ire) a( )ses  
plaisirs et voluntes a( )la( )vie et a( )la mort  
et avec lesd(ites) trois razades d(e) terre il l( )a( )faict  
et( )institue son her(itier) ]~~gene(ral)~~-et ~~univers~~[ particulier  
et veult qu( )il ne puysses rien plus demander  
en ses biens et heredite a( )son herictier bas nomme  
et en tous et ch(ac)uns ses au(tr)es biens meubles  
immeubles presans et advenir noms droictz  
voix et actions led(it) pierre vignelongue a faicte  
et instituee son( )herictiere g(ener)alle et universelle  
et ]x[ nommee de sa( )]pro]pre bouche **cecelhe**  
**chaubarde sa mere** pour desd(its) biens en  
faire et disposer [par] sad(ite) mere a ses plaisirs  
et( )voluntés a( )la( )vye( )et a( )la mort a( )la charge  
de f(aire) et( )accepter le [con]tenu en son present  
testament et( )ce dess(u)s led(it) pierre vignelongue  
testate(ur) a dict et( )declaire dict et declaire  
voloir est(re) son testament nuncupatif et( )derniere  
volunte cassans revocquans et anulans  
tous au(tr)es testamens codicilles ou dona(ti)ons si  
aucuns ou aulcunes il en avoyt faictz ou faictes  
[par] le passe excepte le presant son testament  
lequel veult que demeure en son entier esficasse  
et vale(ur) et veult que vailhe et soyt  
valable [par] droict de codicille et s( )il ne valoit

.....  
ou pouvoit valoir par droict de codicille veult  
qu( )il vailhe et soyt valable par dona(ti)on faicte  
a( )cause de mort entre les vifz a( )jamais  
irrevocable et par tout au(tr)e droict uz stil et  
coustume qu( )il pourra mieulx et plus valoir  
requerant et priant les tesmoingz bas escriptz  
par luy [co]gneuz et nommes le(ur) en souvenir et  
a moy not(aire) etc en retenir acte et inst(rument)  
ce qu( )ay faict en presances de s...ry( )et  
aenauld necz freres m(aître) gerauld beaulne  
sarreurier ramond mestre gerauld lagarde  
fustier anth(oine) faure jehan seguela / martin  
ferrailh tous habitans de la [par]oisse de varennes  
lesquelz ny( )le testate(ur) ne savent signer et de  
moy jehan richard not(aire) royal de villemur  
qui requis ce( )ce dess(u)s ay retenu le presant  
inst(rument) en foy de quoy me suys soubz(sig)ne

J. Richard, not(aire) r(o)yal